



Ս Փ Յ Ո Ւ Ռ Ք Ո Ւ Մ

ՍՈՒՐԲ ԳՐԻԳՈՐ ԼՈՒՍԱՎՈՐՁԻ ԱՌԱՋԻՆ ԿԱՐԳԻ ՈՍԿՅԱ
ԱԴԱՄԱՆԴԱԿՈՒՌ ՇՔԱՆՇԱՆԻ ՀԱՆՁՆՈՒՄԸ ԳԱԼՈՒՍՏ
ԿՅՈՒԼՊԵՆԿՅԱՆ ՀԻՄՆԱՐԿՈՒԹՅԱՆ ՆԱԽԱԳԱՀ ԴՈԿՏՈՐ
ԺՈՋԵ ԴԵ ԱՋԵՐԵԴՈ ՊԵՐԴԻԿԱՆՅԻՆ

Հյուսիսային Ամե-
րիկայի հայոց Կալի-
ֆոռնիայի թեմի նոր-
ընտիր առաջնորդ զե-
րաշնորհ Տ. Բաբգեն
եպիսկոպոս Վարժա-
պետյանը, Մայր Ա-
թոռից դեպի իր թեմը
ճանապարհի վրա, Վե-
հափառ Հայրապետի
հրամանով, կանգ է
առնում Պորտուգա-
լիայի մայրաքաղաք
Լիսաբոնում, Գալուստ
Կյուպենկյան հիմ-
նարկության նախա-
գահ դուկտ. Ժոզե դե
Ազեբեդո Պերդիկա-
յին պաշտոնապես
հանձնելու Ս. Գրիգոր
Լուսավորչի Ա կարգի
ոսկյա ադամանդա-
կուռ շքանշանը:

Սրբազանը դեկտեմ-
բերի 20-ին ժամանում
է Լիսաբոն և օդանա-
վակայանում դիմա-
վորվում է պատշաճ հարգանքով՝ որպես Վե-
հափառ Հայրապետի լիազոր պատվիրակը՝
Գալուստ Կյուպենկյան հիմնարկության հար-
գանուն երեք անդամների կողմից, պլխավո-
րությամբ պր. Ռոբերտ Կյուպենկյանի:

Դեկտեմբեր 20-ի երեկոյան ժամը 6-ին
Բաբգեն սրբազանը այցելում է Գալուստ



Ս. Գրիգոր Լուսավորչի Ա կարգի շքանշանը

Կյուպենկյան հիմ-
նարկության նախա-
գահ դուկտ. Ժոզե դե
Ազեբեդո Պերդիկա-
յին և հանդիսավոր
իրադրության մեջ,
հոտնկայա, Գալուստ
Կյուպենկյան հիմ-
նարկության անդամ-
ներից պր. Լ. Սալա-
նի, պր. Ռոբերտ Կյու-
պենկյանի և հիմնար-
կության հայկական
բաժնի քարտուղար
պր. Կորյուն Քեչիշ-
յանի ներկայությամբ,
կարդում է Վեհափառ
Հայրապետի նույնընթեր
25 թվակիր սրբատառ
կոնդակը և ապա շքա-
նշանը կախում պր.
նախագահի կոծբից,
որը հարգանքով հե-
տևում էր Վեհափառ
Հայրապետի կոնդակի
պորտուգալերեն թարգ-
մանությամբ:

Ս. Գրիգոր Լուսավորչի Ա կարգի ոսկյա
ադամանդակուռ շքանշանն ստանալուց հե-
տո դուկտ. Ժոզեն զգացված բառերով իր խո-
րին շնորհակալություն է հայտնում Վե-
հափառ Հայրապետին՝ իրեն շնորհված
այդ բացառիկ և մեծ պատվի համար և
ավելաճնում, որ «այս մեծ պատիվը կերթա

առաջել չափով հանգուցյալ Մեծ Բաբեռաբին, ինչպես նաև Գալուստ Կյուլպենկյան հիմնարկության մյուս անդամներուն և ի մասնավորի պր. Գևորգ Ծալանին, որուն կաարտինք մեր հաշտությունը»:

Այնուհետև դոկտ. Ժողեն ընդունում է բոլոր ներկաների սրտագին շնորհավորությունները: Դեկտեմբերի 21-ին դոկտ. Ժողեն կազմակերպում է ընդունելություն ի պատիվ Վեհափառ Հայրապետի լիազոր պատվիրակ գերաշնորհ Տ. Բաբգեն եպիսկոպոսի:

Հանուն Վեհափառ Հայրապետի և Ս. Երուսաղեմի ու Կոստանդնուպոլսի Պատրիարքական Աթոռների, գերաշնորհ Տ. Բաբգեն եպիսկոպոսը շնորհակալություն է հայտնում Գալուստ Կյուլպենկյան հիմնարկության պր. նախագահին և պատվարժան անդամներին՝ «իրենց հայանպաստ և եկեղեցասեր գործին համար»:

Այնուհետև Վեհափառ Հայրապետի լիազոր պատվիրակը ներկա է լինում Գալուստ Կյուլպենկյան հիմնարկության վարչության երկու նիստերին, որտեղ քննության է առնվում «հայտնաբերած զործի ընդհանուր ծրագիրը»:

Գերաշնորհ Տ. Բաբգեն եպիսկոպոսը դեկտեմբերի 23-ին, լավագույն տպավորություններով, հրաժեշտ է առնում Գալուստ Կյուլպենկյան հիմնարկության պր. նախագահից և վարչության հարգարժան անդամներից՝ շարունակելու համար իր ճանապարհը դեպի իր թեմը՝ Կալիֆոռնիա:

Ս. Գրիգոր Լուսավորչի առաջին կարգի ոսկյա ադամանդակուռ շքանշանի բնական բարձրությունն է 6 սմ., իսկ լայնությունը՝ 4,5 սմ.:

Շքանշանը ամբողջությամբ տակեցույն է: Հայրապետական թագի, կոնքեռի և ներքևի թվականի ֆոները կարմիր (գրենադ) էմալլ են, եմիփորոնը և արծվի թևերի ներքևի պատերը՝ կապույտ էմալլ: Հայրապետական թագի խաչը և ճակատի մասը ունեն չորսական ադամանդ, իսկ կոնքեռի վրա կա 5 ադամանդ: Եմիփորոնի վրա գրված են Վեհափառ Հայրապետի անվան սկզբնատառերը՝ Վ. Ա.:

